



9 de abril de 2012. Nestes intres atópanse a exposición pública os planos de conservación/recuperación de 3 especies, das máis 200, incluídas no catálogo Galego de Especies Ameazadas. Tivemos que agardar 5 anos para que a Xunta decidira por fin aprobar estes instrumentos, básicos para garantir o futuro da nosa biodiversidade máis fráxil. De seguirmos este ritmo, a administración cumprirá coa obriga legal de protexer efectivamente especies dentro de 243 anos! ADEGA ten constancia que dende 2007, llicitáronse, elaboráronse e entregáronse [ducias de Planos de Conservación](#) ; cal é o motivo para telos gardados dende aquela nun caixón? Agora por fin a Xunta presenta o do **sapoconcho galego**

(réptil), a

píllara das dunas

(ave), e a

escribenta das canaveiras

(ave), mais o seu contido non recolle medidas efectivas para a conservación destas especies e os seus hábitats: son só un compendio de "recomendacións" e polo mesmo, carentes de forza legal, que por desgraza ninguén vai cumprir.

Estes documentos deberían definir claramente as actividades que poden ser autorizadas, estar prohibidas ou reguladas, atendendo ao estado das poboacións e ás necesidades de conservación da especie. No entanto, os decretos están inzados de "recomendacións" que como sabemos, raras veces se cumpren.

